

ՀԱՇՎԵՏՎՈՒԹՅՈՒՆ

2025 Թ. ՀՈՒՆԻՍԻ 10-ԻՑ 14-Ը ԲԵԼԳԻԱՅԻ ԹԱԳԱՎՈՐՈՒԹՅՈՒՆՈՒՄ (Ք. ԲՐՅՈՒՍԵԼ)

ԳՈՐԾՈՒՂՄԱՆ ԱՐԴՅՈՒՆՔՆԵՐԻ ՎԵՐԱԲԵՐՅԱԼ

1. ԳՈՐԾՈՒՂՎԱԾ ԱՆՁ

Ասատուր Վարդանյան, ՀՀ ՏԿԵՆ նախարարի տեղակալ

2. ԳՈՐԾՈՒՂՄԱՆ ՎԱՅՐԸ/ԺԱՄԿԵՏԸ

Բելգիայի Թագավորություն (ք. Բրյուսել), 2025 թվականի հունիսի 10-ից 14-ը

3. ՀՐԱՎԻՐՈՂ ԿՈՂՄԵՐԸ

International Solar Alliance (ISA) կազմակերպություն, ՄԱԿ-ի Միջազգային Էներգետիկ Գործակալություն (IEA)

4. ԳՈՐԾՈՒՂՄԱՆ ՆՊԱՏԱԿԸ

International Solar Alliance (ISA) - տարածել արևային էներգիայի կիրառումը, խորացնել միջազգային համագործակցությունը և ապահովել մաքուր ու կայուն էներգիայի հասանելիություն՝ կլիմայական մարտահրավերներին արդյունավետ արձագանքելու համար: *ՄԱԿ-ի Միջազգային Էներգետիկ Գործակալություն (IEA)* - խթանել գլոբալ մակարդակով էներգաարդյունավետության բարձրացումը՝ նպաստելով էներգախնայողության քաղաքականության ամրապնդմանը, ներդրումների ավելացմանը և պետությունների միջև համագործակցությանը՝ կայուն և ապահով էներգետիկ ապագայի համար::

5. ՔՆՆԱՐԿՎԱԾ ԹԵՄԱՆԵՐԸ՝

ISA և IEA նիստերի ընթացքում անցկացվեցին մի շարք բարձր մակարդակի քննարկումներ, որոնց ժամանակ անդամ պետությունները հնարավորություն ունեցան ներկայացնելու իրենց ազգային առաջընթացը վերականգնվող էներգիայի, հատկապես՝ արևային տեխնոլոգիաների և էներգաարդյունավետության ոլորտում: Հայաստանի անունից ներկայացված ելույթներում բարձրաձայնվեցին երկրի էներգետիկ ոլորտում արձանագրված ձեռքբերումները:

Քննարկվեցին նաև էներգաարդյունավետության ոլորտում փորձի փոխանակման, ֆինանսավորման նոր մեխանիզմների ստեղծման, քաղաքականության

կատարելագործման և թվայնացման ուղղվածությամբ կարիքները: Հայաստանի ներկայությունը նաև ընդգծեց երկրի պատրաստակամությունն ու մղվածությունը՝ դառնալու տարածաշրջանային ակտիվ մասնակից՝ վերականգնվող էներգիայի ոլորտում:

6. ՀԱՆԴԻՊՈՒՄՆԵՐԸ, ԵԼՈՒՅԹՆԵՐԸ, ԲԱՐՁՐԱՑՎԱԾ ԿԱՄ ՔՆՆԱՐԿՎԱԾ ՀԱՐՑԵՐԸ

ISA-ի և IEA-ի շրջանակներում ելույթի ընթացքում ընդգծվել է Հայաստանի հանձնառությունը ՄԱԿ-ի Կայուն զարգացման 2030 օրակարգին՝ հատկապես Թիրախ 7-ին՝ «մաքուր, մատչելի, կայուն և ժամանակակից էներգիա բոլորի համար» սկզբունքին: Ելույթում նշվել է, որ Հայաստանը շարունակում է իրականացնել մինչև 2040 թվականը գործող էներգետիկայի զարգացման ռազմավարական ծրագիրը, ինչպես նաև 2022–2030 թվականների էներգախնայողության և վերականգնվող էներգիայի պետական ծրագիրը: Մանրամասն ներկայացվում են արդեն իրականացված նախագծերը:

Շեշտադրվել է նաև էներգիայի պահեստավորման ոլորտում ձեռնարկված քայլերը, մասնավորապես՝ 1200 ՄՎտ հզորությամբ պահեստավորման կայանի մշակումը՝ Համաշխարհային բանկի աջակցությամբ: Որպես ապագայի հեռանկար՝ ներկայացվում է կանաչ ջրածնի զարգացման հնարավորությունների ուսումնասիրությունը՝ ներքին

Ներկայացվել է էներգաարդյունավետության ոլորտում տարվող օրենսդրական աշխատանքների ընթացքը: Մասնավորապես՝ ընդունվել են մի շարք կարգավորումներ՝ բազմաբնակարան և հանրային շենքերում էներգաարդյունավետության ապահովման, նախագծային չափանիշների, վարկավորման աջակցության մեխանիզմների ձևավորման ուղղությամբ: Ներկայացվել է պետական աջակցության ծրագիրը, որի շրջանակում ավելի քան 29,000 շահառուներ ստացել են արտոնյալ վարկեր բնակարանների էներգաարդյունավետ վերանորոգման նպատակով:

Գործուղման ընթացքում առանձին հանդիպում են ունեցել Արևային էներգիայի միջազգային դաշինքի (ISA) գործադիր տնօրեն պարոն Աշիշ Խաննայի (Mr. Ashish Khanna) հետ: Քննարկման ընթացքում անդրադարձանք Հայաստանի մասնակցությանը ISA նախաձեռնություններին՝ մասնավորապես արևային տեխնոլոգիաների մասշտաբային ներդրման, էներգետիկ ենթակառուցվածքների արդիականացման և կադրային կարողությունների զարգացման ուղղություններով: Պարոն Խաննան ընդգծեց Հայաստանի

առաջընթացը արևային էներգիայի ոլորտում և արտահայտեց իր պատրաստակամությունը՝ աջակցելու Հայաստանի հետագա նախաձեռնություններին՝ հատկապես տեխնոլոգիական խորհրդատվության, ֆինանսավորման մոդելների ներդրման և տարածաշրջանային համագործակցության ձևավորման առումներով:

Քննարկում եմ ունեցել նաև Միջազգային էներգիայի էսարտիայի ժամանակավոր գլխավոր քարտուղար Տիկին Ացուկո Հիրոսեի (Ms. Atsuko Hirose) հետ: Քննարկման ընթացքում անդրադարձանք վերականգնվող էներգիայի ոլորտում միջազգային համագործակցության խորացման հնարավորություններին, Հայաստանի փորձին՝ արևային էներգիայի զարգացման ուղղությամբ, ինչպես նաև էներգիայի պահեստավորման և կանաչ ջրածնի նախագծերում գործընկերության խորացման հեռանկարներին: Տիկին Հիրոսեն ողջունեց Հայաստանի կողմից իրականացվող քայլերը՝ ուղղված կայուն էներգետիկ համակարգի ձևավորմանը:

7. ՀԱՆԴԻՊՄԱՆ ԿԱՄ ՀԱՎԱՔԻ ԺԱՄԱՆԱԿ ԸՆԴՈՒՆՎԱԾ ՈՐՈՇՈՒՄՆԵՐԸ, ՊԱՅՄԱՆԱՎՈՐՎԱԾՈՒԹՅՈՒՆՆԵՐԸ, ՍՏՈՐԱԳՐՎԱԾ ՓԱՍՏԱԹՂԹԵՐԸ

Հայաստանի անունից վերահաստատվեց ՀՀ կառավարության պատրաստակամությունը՝ մասնակցելու դաշինքի նախաձեռնություններին՝ ներառյալ՝ փորձագիտական աջակցություն, տեխնոլոգիաների կիրառման փորձարկում և տարածաշրջանային մասնագիտական ներուժի զարգացում: Պայմանավորվածություն ձեռք բերվեց ակտիվորեն ներգրավվել ISA-ի փորձի փոխանակման հարթակներում և օգտվել տեխնիկական ու ինստիտուցիոնալ աջակցության ծրագրերից:

8. ԱՌԱՋԱՐԿՈՒԹՅՈՒՆՆԵՐԸ, ԴՐԱՆՑ ԸՆԹԱՑՔ ՏԱԼՈՒ ՎԵՐԱԲԵՐՅԱԼ ԱՌԱՋԱՐԿՆԵՐԸ՝ ԵՂԱՆԱԿԸ՝ ՁԵԸ, ԺԱՄԿԵՏՆԵՐԸ, ՊԱՏԱՍԽԱՆԱՏՈՒՆԵՐԸ, ԱԿՆԿԱԼՎՈՂ ԱՐԴՅՈՒՆՔՆԵՐԸ

Հանդիպումների ընթացքում Հայաստանի կողմից արվեցին մի շարք առաջարկություններ, որոնք ուղղված էին վերականգնվող էներգիայի, հատկապես արևային տեխնոլոգիաների կիրառման ընդլայնմանը, տեխնոլոգիական համագործակցության ամրապնդմանը և կադրային կարողությունների զարգացմանը:

Հանդիպման արդյունքում որոշվեց ISA-ի միջոցներով Հայաստանի Հանրապետությունում ստեղծել առաջին վերապատրաստման կենտրոնը՝ վերականգնվող էներգիայի և արևային տեխնոլոգիաների ոլորտում մասնագետների կրթման ու վերապատրաստման նպատակով: Որոշվեց առաջիկա մեկ ամսվա ընթացքում համաձայնեցնել քայլերի հաջորդականությունը՝ նշված կետրոնի ստեղծման նպատակով: Այս քայլն ուղղված է տարածաշրջանային մարդկային ներուժի ձևավորմանը և մասնագիտական կրթության ամրապնդմանը:

Բացի վերոնշյալից, ստացել եմ նաև հրավեր մասնակցելու Արևային էներգիայի միջազգային դաշինքի (ISA) առաջիկա նախարարական մակարդակով վեհաժողովին, որը կկայանա 2025 թվականի հոկտեմբերի 27-30-ը՝ Հնդկաստանի մայրաքաղաք Նյու Դելիիում: Պաշտոնական հրավերի մանրամասներն իրենց կողմից առաջիկայում կներկայացվի:

ՍՏՈՐԱԳՐՈՒԹՅՈՒՆԸ, ԱՄՍԱԹԻՎԸ

18.06.2025թ.



Recoverable Signature

X

ԱՍՏՆՈՒՐ ՎԱՐԴԱՆՅԱՆ

Signed by: VARDANYAN ASATUR 2308910957